

惠濟河輯說



U33242

同治庚午秋刊

惠濟河輯說

賈魯河輯說嗣出

汲古堂藏版

惠濟河輯說序

惠濟河古汴水也宋於大梁濟運由四
路入都三路皆由汴故汴水特重歲
有修築不至有壅滯淤涉之患自
元代定都於京濟由海運於是汴
水所係益輕而元臣賈魯又因濟

惠濟河輯說

李

溝之疏導京宗之水南流惟以其
餘支入汴、流益弱自明迄我

朝黃河屢決汴水東行之道愈甚淤
高平流遂斷而省垣為濁流所環
統外高內低狀如釜底城中積潦
出不得大為居民之害乾隆五年始



於中年達灤波賈魯河之漲經汴水
故道入湯

賜名惠清河是時前將軍雅請於城
內鑿危府坑揚家湖以受衝蒼卒
溢之水不十年受水既多坑不能容
乾隆十四年前中丞鄧乃儀濬城

外之乾河濬導城中積水而入之湯
然後人得平土而居焉是時城內
外之地高低未甚故所濬之乾河
濬僅深四尺而內水道已畢出於
工費甚楛未為鉅也自道光二十
一年濬工南決濁流直逼城下孩城

而東沙積出山阜於是內水不沒可
出冬同治五年予移節此邦目覩
城中積水有聲無耗居民日在昏
墊中者事者屬僮屬塞迄無米
效予方視師在外不暇閱視心惻然
憂之七年六月捻逆蕩平其年積

潦尤甚出入以舟於是大議僉築閘
者咸以為難予惟城水之所以積
由於惠濟河之淤而惠濟河之淤由
於黃河之決然惠濟河自西而東黃
河之決則自西北而東南是斜穿而
過者也非專河而行者也斜穿而過

則為所穿之地沙積而高不為所穿
之地沙不積而仍低矣於是測之城
外地高於城內水面者七尺有奇由
是而東至太平岡則其地低於城
內水面者約二三尺又東則陳留
地低而杞稍高又東至睢州之南則

蓋以修矣計其中最高之地惟太
平岡西之二十里及杞稍睢州之百
餘里是為河水所穿之地於此加修
深廣則閘尾不患其不通矣劉子
恕觀察亦持是議且力任其事乃
以七年十月興工至八年四月工竣

起省城東之水門經符陳為北通
睢州柘城柘鹿邑惠清河入渦變成
長河一道城中積水十減七八居民
便之而湖河之地之舊為斥鹵者
亦悉易而為沃野焉王莘樵廣文
究心地理之學方余之甫有事於

惠濟河即通菟載籍凡兩月成惠
濟河輯說四卷若預知功之必可成
而後藉是以每之浚者予既嘉其
心與力之勤又以汴垣積潦幾及百
年議者皆以為外高內低終不可治
而不知高者非盡高而治者亦非不

可治也因為推其原委而詳其高下
之數於簡端俾後之人有所率循
焉是為序

同治八年秋三韓李鶴年并書



同治六年秋三韓李鶴年并書

東濟河輯說

東濟河輯說序

東濟河輯說序

惠濟河輯說序

自古誌輿地者必山水並列如周禮之職方爾雅之釋山釋水其昭昭也然山不易者也水屢易者也山利物而不為物害水利害兼者也故攷水於山為難而視山尤要

惠濟河輯說

毛

一

歲己巳余主講寧城書院適祥符王君莘樵亦設帳縣署一日攜所著惠濟河輯說示余而屬余為序余受而讀之曰羣經曰諸史曰奏疏曰志乘釐為四門其河之源流則由滎陽而中牟祥符陳留杞縣

睢州柘城鹿邑以至於渦綿延數
百里燦若列眉竊嘆莘樵之辨析
者精而其為功於人者大也夫惠
濟者汴水之餘支即省垣積水之
出路也汴水發於滎陽自元人賈
魯治之更名賈魯乾隆六年以汴
道不通復由中牟分賈魯之水北
而東

賜名惠濟蓋以其資蓄洩而備盪
滌也迨道光年間祥符中牟兩次
決黃隄惠濟河為泥沙淤澱無復
舊形省垣外高內低水無所出遂

大為居民患 中丞李公正議疏
濬而革樵適為是書其殆助以成
功者與是書也為卷無幾而條分
縷析原委畢具不獨為今之計得
所循覽即數十百年後水道變遷
通塞無常而有志民瘼者亦可按

籍而知所措手矣其為功於人豈
淺鮮哉余既服革樵學問之博而
又喜是書之利濟者遠也不揣固
陋遂欣然而為之序同治九年三
月朔日武陟毛鴻順謹撰

惠濟河輯說序

古今來名公鉅卿撫治中州勲猷彪炳震
鑠一時或勒諸金石或銘諸鼎彝式煥嘉
謨而永垂不朽以上有名臣而下有碩士
也豫省惠濟河分賈魯支流兼以洩省城
積水乾隆初開自雅中丞爾圖其後修於
胡中丞寶琮駿烈鴻猷亦云偉矣而卒未
聞有纂言紀事勒爲成書近播當時遠垂
後世是上有名臣以立功下無碩士以立
言也其偉績豐功或漸與河渠並湮斯亦
雅公胡公之不幸矣道光間黃初決祥符
次決中牟其惠濟淤爲平陸無復河形而
省城又勢如釜底積水難涸兼之歲戊辰
夏秋霖雨街巷積潦出入以舟居人患之

適義州 李大中丞河朔凱旋念切民瘼
大議興鑿人咸以爲難而毅然治之循惠
濟舊蹟自省城迤邐而東渠成啟水門宣
洩經祥符陳留杞縣睢州柘城鹿邑以入
渦而匯淮民得平土復還舊居維時人心
悅而頌聲作謂拯溺濟厄出水火而登衽
席事與雅公胡公埒而功則過之蓋仁政
之入人深矣先是余忠節局同事王莘樵
廣文旣繪圖貼說上呈 中丞至是復念
惠濟河今昔情形沿革不一而 中丞李
公暨雅公胡公惠濟蒼生之勲業亦恐日
久就湮遂徧蒐典籍竭兩月心力成惠濟
河輯說四卷曰羣經曰諸史曰奏疏曰志
乘數千載河渠變遷人事得失兼綜條貫

法戒炯然其有功於中州水利大矣遠矣
至剖析源流俾數百里河渠如在目中猶
其末也刊旣成問序於余余交廣文久知
廣文最深其爲人木彊未宜於今而平日
好學深思於古今經世之書無所不讀是
士之有實學而蓄以待用者也是書所輯
不過匯古人成說聊以補邑乘闕文原不

足罄懷抱然其用心亦良苦矣余旣服

中丞大定武功旋塞宣房復於省城除水
患興水利卓然有古名臣風而又喜廣文
輯說能體中丞興利除害意述古傳今
俾後之莅茲土者有所持循爲措施方非
特惠濟河不致終湮卽雅公胡公之績藉
以不墜而名亦千古矣是爲序

同治己巳花朝涪陵子衡氏周淦頓首拜
撰

惠濟河輯說序

四



同治己巳花朝涪陵子衡氏周淦頓首

惠濟河輯說書後

同治庚午秋祥符王莘樵廣文著惠濟河輯說四卷曰羣經曰諸史曰奏疏曰志乘刊既成屬余參訂余與莘樵締交最深其性情剛毅不諧流俗名滿梁園而謗亦隨之弗辯也愛古情深尤邃經世之學不輕與人道今出其輯說余取而三復之其說卽小以見大卽邇以見遠提要鉤元惠濟之道廣矣哉時余謂坐客曰後魏酈道元水經注

國朝張清恪居濟一得傳恭勤黎襄勤行水金鑑初續兩編類皆總括古今臚陳利病上下數千年中河渠之變遷

惠濟河輯說

書後

一

人事之得失兼綜條貫利濟無窮莘樵輯說亦仿是爲之旁稽遠紹其用心亦良苦矣然此特嚆矢之先見者也客曰惠濟分汴水支流今以京索爲源而是書以濟滎爲源毋乃宜古而不宜今乎余曰然君亦知濟溢爲滎在禹時已通淮泗乎故禹於徐州貢道云浮于淮泗達于河則鴻溝汴渠之水禹導之明矣

東坡書傳

特禹貢只紀經河不紀支

河耳且濟滎西漢未猶相流通至平帝河汴決壞六十餘年故道未復淤久而流始竭此汴水初源也莘樵抗心希古殆欲入於京索外識濟爲汴水初源知今而亦知古也

而顧可習焉不察乎客曰經說善矣其採汴於史應以河渠溝洫爲主而是書臚列紀傳毋乃喧賓以奪主乎余曰君言誠是特未覩河渠溝洫中寥寥數語不足發汴水之凡而其散見紀傳者代有實政人有實學賓正所以敷佐之惟宋史以漕運故視他史差詳莘樵之兼采博收闡明古蹟將俾讀史者參互攷訂知歷代河渠因地因時因事而各制其宜有治法有治人也客曰經史既闡命矣奏疏爲國朝掌故惠濟顛末美矣備矣而志乘何以有罅漏乎余曰各志之詳畧絕少善本卽如河陰陳留兩志闕軼

惠濟河輟說

書後

二

匪伊朝夕其他年久失修非湯惠莫辨卽影響無徵莘樵博觀約取實事求是將以俟修邑志者採擇焉以補闕文而邑志中已載之說則弗輟也是則其輟說之本意也君試取是書而參觀之總括古今臚陳利弊上下數千年中河渠之變遷人事之得失兼綜條貫朗若列眉離惠濟以言水利不可也執惠濟以言水利不可也異日者莘樵一行作吏推利濟心行利濟政則一河水利見而百河水利興矣一代水利通而百代水利遠矣惠濟之道廣矣哉客唯唯而退余因撮問答之詞而書諸後同里愚弟宋繼郊

樹芝氏拜跋

惠濟河輯說

書後

三



資刊姓氏

季子和中丞

印鶴年奉天義州人道光乙巳進士翰林院編修現河南巡撫

毛子遇山長

印鴻順河南武陟縣人道光乙未進士前湖北襄陽等縣知縣現主講河朔書院

倉少平山長

印景恬河南中牟縣人道光戊戌進士翰林院編修花翎布政使銜前湖南按察使司現主講大梁書院

王吏香太守

印蓮塘山東諸城縣人咸豐癸丑進士運同銜花翎知府用卽補直隸州現鄭州知州

任樂如太守

印愷甘肅甯州人由貢士遞保花翎知府用現直隸州光州

周子衡直刺

印塗四川涪州人同治乙丑進士補直隸州後以知府用現靈寶縣知縣

張牧皋明府

印葆謙直隸南皮縣人道光丁酉舉人運同銜花翎現武陟縣知縣

左子重明府

印鈞安徽桐城縣人同知銜現修武縣知縣

資刊姓氏譜

劉曉霞少尉

印豫生順天大興縣人五品銜候補縣丞現修武縣典史

劉伯瑗觀察

印拱宸江西新昌縣人道光甲辰進士花翎道員用現南陽府知府

劉梓卿太守

印慶恩安徽桐城縣人道光乙酉舉人知府銜現候補直隸州知州

常秋厓廣文

印茂徠河南祥符縣人道光乙酉拔貢五品銜前登封縣教諭

劉光甫廣文

印瑞燦河南鞏縣人貢現修武縣教諭

趙月坡廣文

印瑩河南滎陽縣人道光癸卯舉人現修武縣訓導

周薇堂舍人

印蔭之河南武陟縣人道光己酉拔貢候選內閣中書

張遂峯廣文

印鶴樓河南修武縣貢生候選訓導

劉南卿觀察

印毓楠河南祥符縣人咸豐壬子進士前安徽鳳潁六泗道賞戴花翎

沈竹泉州佐
印鑿河南祥符縣人國子監典籍銜候選州同

宋述之廣文
舉人前陳州府教授現候選教授

鄭允臣貳尹
印孝元河南祥符縣廩貢前太康縣訓導現候補東河縣丞

劉子貞正郎
印鴻章河南尉氏縣貢生候選郎中

張荆浦廣文
印玉軫河南儀封人道光丁酉拔貢現候選教諭

宋春浦布衣
印玉壺河南祥符縣人

劉心齋廣文
印浚河南祥符縣廩貢前署鞏縣教諭現候選訓導

魏平軒貳尹
印鴻賓河南祥符縣人布理問銜候選縣丞

舒少屏守戎
印長山河南祥符縣人前開封營杞縣千總藍翎即補守備

資刊姓氏譜

舒成齋把戎
印長治河南祥符縣人守備銜現鄭州汛把總

魏雲亭上舍
印興河南祥符縣監生

李聯珊上舍
印如棠河南祥符縣監生議敘五品銜

許西珍上舍
印守鑑河南祥符縣監生

王藝圃少尉
印儒純河南祥符縣人六品銜候選典史

賀竹軒貳尹
印叔山河南祥符縣人候選縣丞

李和圃貳尹
印思義河南祥符縣人候選縣丞

董潤蒼明府
印杭江蘇江都縣人由監生遞保藍翎五品銜候選知縣

王雅堂司馬
印曜河南祥符縣人由監生遞保藍翎同知候選同知

余妙泉刺史
印錦淮浙江山陰縣人道光辛丑進士

趙晉卿刺史
印寶仁直隸蕭甯縣人世襲雲騎尉同知銜現息縣知縣

李仁山刺史
印德重山東德州衛學廩生同知直隸州用現商城縣知縣




李口山陳史
映直隸武邑縣商州知縣

晉職陳史
妻謝保同職後康恩

李效泉陳史
映直隸武邑縣商州知縣

惠濟河圖

西



惠濟河碑記

國朝

雅爾圖



豫之水患自河奪汴始蓋水之發源於豫者淮為大
歸淮之水汴為大汴固挾眾流以入淮者也汴治則

梁宋陳蔡許鄭之水皆有所洩元至元間河決奪汴

故道汴遂湮即今浚儀渠乾河涯皆其蹟率成平陸

賈魯者元臣也魯濬汴自中牟經祥符而東漚濁河

歷陳州境入江南潁上以達於淮汴得入淮賴此人

戴賈魯功遂以名河而河淺而窄上水驟輒溢乾隆

四年夏秋大雨兼旬開歸陳許六十餘州縣漫為巨

惠濟河輯說

卷首 碑記

一

浸平地水深數尺會城中積月不退其橫流下奔並

及江南之潁毫長淮衛漂民田廬甚多前巡撫尹公

具以狀聞

皇上惻然軫念發數十萬倉穀帑金賑之民無飢餒流移

之患既忘其災矣復

念致災之由

特降旨命巡撫尹會一總河白鍾山布政司朱定元勘濬

乾河涯用洩開封積水全豫水利使源委疏暢毋致

泛溢又計入淮之水道經江南恐下流人情阻撓

命江南水利大臣共議之蓋

九重之上千里之外如在几席形勢情偽悉歸

睿照所以爲豫省計者至矣於是前巡撫尹公河督白公
遵

旨悉心籌議委熟悉水利之管河道胡君紹芬履勘原委
度地相川議以開封城中積水第濬乾河涯可洩焉
將使開歸陳數十州縣永免水患莫若分賈魯河以
斷其流請於中牟西賈魯河北岸別疏一道導入祥
符之淺兒河接濬至高家樓則乾河涯之水入焉又

惠濟河輯說

卷首 碑記

二

東匯於沙河卽循古汴蔡河入渦故道湮者淪之淺
者深之又東過陳留杞縣經睢州之挑河柘城之永
利溝淮甯鹿邑之老黃河抵安家溜以入渦而歸淮
則賈魯河勢得減而瀕河各州縣潦水有歸均免旁
溢商船亦可直抵汴梁是不惟祛水之患而兼可收
水之利巡撫尹公上其議

制曰可方議舉行尹公遷內余奉

命來撫是邦於是年冬十月泄止目擊災傷之象沮洳載
道諮詢屬員父老知是舉爲豫省要務不可緩也五

年春先令爲渠導城中積水從東南水門出門小則
添一門以暢之使歸於壕壕東則濬乾河涯穿護城
堤至高家樓而城中之水頓洩旣而分疏賈魯河之
議江南有司果異論紛起乃復移江南督撫各委大
員會勘重以水利使者汪公德公按圖履蹟僉曰是
誠有益於豫而無妨於江南也濬之便覆

奏得報乃令管河道胡君指授程式於各縣令各縣令
按其境土募夫開濬河廣十丈深一丈爲率長六萬
五千一百九十四丈出土爲堰以備漲溢堰各離岸

惠濟河輯說

卷首 碑記

三

十丈以防土頽入河堰爲涵洞以宣田閒之水建閘
於中牟分疏口門視賈魯河盈縮爲啟閉復高其底
二尺使賈魯河常留二尺以下之水以利舟楫爲橋
三十六以便行旅凡土以方計者一百二十六萬七
千二百有奇方直銀八分一釐出土於水加一分有
八計動帑金一十一萬五千七百有奇自乾隆六年
正月二十日興工至本年六月初四日工竣吏不辭
瘁直無侵漁丁夫踴躍旣成開閘進水暢流而下仍
議歲動帑金四千於農隙疏浚以杜淤澱瀕河州縣

從此可永無水患士庶歡呼籲謝

皇上澤我豫民世世無疆之福因請

錫嘉名有

詔名惠濟河嘉名既錫偉績孔昭不可無紀也夫惠民之大者莫如水利因所利而利之孔子所謂惠也顧水利之難成則誠如

睿慮所及下流阻撓往往績用弗成不思水必有歸下有
所洩卽上有可受今天下四瀆之水已盡歸江南入
海非以江南爲壑以海爲壑也水性東下自高而趨

息濟河輯說

卷首 碑記

四

存乎地勢故淮受百川派與渦其一二耳自禹以來
未之有改卽汴失其道而橫流亦必漫入江南乾隆
四年之淮潁閒可驗矣有河以分之力緩而軌順下
流亦有利焉况茲惠濟河之水特分賈魯河之水而
非有他水乎特疏古汴蔡河入渦之故道而非創闢
乎無庸過慮也茲河之成幸遇江南督撫水利使者
一時鉅公咸矢公忠仰體

皇仁化畛域之見惟利濟民生是務協謀僉同以成此惠
濟之功實豫民之大慶焉 河南通志

浚惠濟河碑記

河南之省會曰開封府治背河而城內窪外亢自明以來歲以積潦爲患歷久益甚至不可居同治七年十月浚惠濟故河導城中之水出東南水門入於惠濟歷陳留杞縣睢州柘城至鹿邑而與渦水合凡長五萬五千三百四十餘丈深丈有五尺至八尺廣十二丈至八丈肇功於十月六日訖功於次年三月六日用帑白金四萬二千三百七十九兩有奇積水大出人安其居自省東達於鹿邑旱潦之災澹焉先是乾隆初前撫軍長白雅公始闢惠濟河以浚惠濟河記

一

洩城中之潦其後時通時塞道光二十一年河決張灣經城之西北隅而東汎濫於陳杞睢柘之境惠濟故河遂堙閱一年水退沙留傅城之地益高較城內街衢高至七尺有奇歲歲之雨皆留不出積三十年塘灤皆滿水出地上壤官私廬舍以千計蔀屋小民棄家露處飢凍啼呼衙署至棹舟出入城中稍高之地湊潤上徹皆成舄鹵望之皓然任指一地掘之一尺之下水隨錫出駸駸有陸沈之懼同治四五六年浚渠厚水功屢不成議者以下流之地爲河沙所澱而高疏鑿無益惟遷城於許爲便當是時予方

督豫軍與楚皖諸帥合勦流賊張總愚於直隸不暇省視
丙地七年六月殲張總愚於博平八月自大名府振旅迴
省議所以除昏墊而奠城邑者或猶以下流地高爲疑乎
惟惠濟河直省垣之東黃河雖潰隄東下其性善曲時南
時北沙之所停不必皆與惠濟河之所行相值地勢西高
東下今因故河去壅塞乘高下注歸之於渦宜必可治於
是設公所遴僚屬籌經費遣員四出審視果惟杞睢及省
東二十五里之地爲高其餘皆如平地可以遂其就下之
性乃決築興工自附郭至祥符縣東界之太平岡發官帑

浚惠濟河記

二


以治下此則資諸民力時出官錢以獎勸之冬寒就功冰
凌在地沙淤壅塞隨掘隨長歷五月而功始訖啟牖放水
疾如飛瀑喧豗之聲徹遠近自是至五月之半晝夜流渾
渾不息閱七十餘日流始漸止積年之惡一旦輪盡下游
之民日見濁流踵至魚鼈皆漂浮水面咄咄稱怪莫知其
由水旣退量城中牆壁水痕高者至丈低者猶四尺餘去
汙就燥人還其家官私廬舍已圯者新之存者塗治之街
衢之水皆返塘濼官民懽欣歌舞道路相慶遷城之議永
息明年冬益治支渠引小池之水入於大塘內甃外石絛

絡縱橫又明年益增爲之凡成城內暗溝者三水益暢出
是年夏大水自省以西以南皆苦潦而省東五州縣晏然
然後知下流之果未嘗高也銘曰

濱河之邑其地多沙乘風而飛委於卑窪開鑿何難填闕
何易必常治之乃底厥績城中坑坎碁置雲屯苟無洿滄
曷抵水門內增支港外濬經流敢告後人無廢歲修
同治庚午冬月撫豫使者三韓李鶴年記

浚惠濟河記





東

同治六年春相國寺僧省機真詮撰

潘家堤 潘家高 潘家閘 潘家王

新蔡

口陵馬

橋匡平

河肥

河明

河坎

河水溝

河馬

河通三急

河包

河沙岔南

鹿邑

永城

曹溝

河會

溝大

河明

城柘

河溝巴

曹溝

河歧

白坡河

溝誌

橋法任

山安梁

蓮子大

夏邑

三岔河

溝羅河

河公

溝羅縣教
尉德輝
縣尉司

巖家河

馬河

陵至

五里佳河

洪溝河

山崎岩

引溝

三岔河

毛家河

溝麟睦

河小 雙家莊

永便溝

河家安

何家窪河

陳河勾奇

溝寺盤林

洪溝河

毛家河

桶子河

溝巨溝

虞城

河沙北

考城

摘錄開歸陳汝河圖說

惠濟河發源於中牟分洩賈魯河之水由祥符陳留杞

縣睢州柘城淮甯鹿邑入江南亳州渦河工長三百

五十三里五十九丈開挑合新舊口寬八丈至十五

丈底寬三丈至七丈深三尺五寸至一丈五尺不等

坡溝起陳留由杞縣入挑河工長二十九里一十二丈

開挑合新舊口寬三丈底寬一丈五尺深四尺至五

尺不等

小溝在陳留境下入坡溝工長一十九里一百三十四

惠濟河輯說

卷首 圖說

一

丈開挑合新舊口寬二丈底寬一丈深三尺至四尺不等

睢水河起陳留下入睢州橫河工長五十五里一百三

十三丈開挑合新舊口寬三丈底寬一丈五尺深三

尺至四尺不等

挑河在杞縣境下入睢州橫河工長五十五里一十八

丈開挑合新舊口寬三丈至四丈底寬二丈至三丈

深三尺至四尺不等

橫河在睢州境下入惠濟河工長二十三里一百六十

丈開挑合新舊口寬四丈至六丈底寬二丈至四丈

深三尺至六尺不等

姬家河在睢州境下入惠濟河工長四十四里九十八丈開挑合新舊口寬四丈至五丈底寬二丈至一丈五尺深三尺至五尺不等

康家河在睢州境下入惠濟河工長九里五十丈開挑合新舊口寬三丈底寬二丈深二尺五寸至四尺不等

沙河隄在柘城境長九十五里築新隄頂寬六尺底寬三丈六尺高六尺在惠濟河西岸

惠濟河輯說

卷首

圖說

二

渦河自太康境二河岔起由淮甯鹿邑下入江南亳州境內兩岸培隄一百五十九里一十五丈二尺開挑河身六里二十八丈合新舊口寬十六丈底寬八丈深八尺至一丈六尺不等

急三道河起鹿邑境下入亳州急三道河工長十六里一百五十六丈五尺開挑合新舊口寬四丈至五丈底寬二丈至二丈五尺深三尺至五尺不等

按是圖係開歸陳汝四郡二十八州縣開挑幹河四道支河五十三道直溝十道共六十七道又隄十道

合計工長四十六萬四千四十五丈五尺共二千五百七十八里五丈五尺乾隆二十三年河南巡撫胡中丞寶瓌繪圖圖約方四尺有奇茲縮而小之縱尺有咫橫六寸許其各府州縣暨山川等名謹備書於圖以識疆界而諸河溝源委里數丈尺等說圖小固莫能容其字跡脫落模糊礙難備錄茲謹於惠濟河支幹溝渠相表裏者次第附錄圖後以備稽攷其餘則概從略以俟博雅君子得善圖而補錄之是則予之厚望也夫王儒行謹識

惠濟河輯說

卷首 圖說

三

開歸陳汝四郡河圖碑

皇上御極之二十有二年大化翔洽薄海內外莫不被闡
澤而慶咸綏惟豫之開歸陳汝數郡因積潦以成徧災
仰荷

聖朝燭照憫茲一方之向隅也撥帑運粟以數百鉅萬拯
救之民困甦矣復以致患有由必悉治諸河永俾康乂
更大發帑金先

命侍郎臣裘曰修來豫周行相度臣寶瓌以是年六月恭
奉

惠濟河輯說

卷首 河圖碑

一

恩命移撫是邦共承厥事臣俯念疎庸未諳懼無以稱乃
蒙

聖主南顧疇咨頻頒

訓旨戒惜費省工而勿勞民先飭繪圖以上臣等次第臚
陳若幹若支尋源說委週以數千里計凡高下淺深之
度彼此承接之準悉由

睿覽親定指示機宜俾在工大小諸臣咸瞭然知所遵循
因得計工鳩夫用告成事於是河流順軌耕種以時歲
則大稔豫之民感激懼怖請泐石以紀

聖恩

上猶穆然深念令勿事繁文惟是水土之政必期於永永
勿隳爰

親製宸章垂示久遠

臣敬奉

聖謨職司守土伏念大工具舉仰賴

聖主一心經營廣大纖悉畢周成規聿昭萬世永賴特慮
後此官有更易民隸各邑遇修治之時或因無據遷延
或恃兩歧推諉小民且借以啟爭此向來因循所由雖
載在志乘皆臆說而不足憑也今以疏築實蹟合成全
圖深廣尺度勒石而昭布之繡錯綺交不爽毫黍俾臨
時詳攷於善後爲便荷蒙

惠濟河輯說

卷首

河圖碑

一一

俞允將圖式鑄石凡有守土之責者按此而歲治之庶幾
仰副

聖天子愛民如子永除水患之至意云爾乾隆二十三年
八月穀旦河南巡撫臣胡寶瑤恭紀

採摭書目

欽定書經傳說彙纂

欽定詩經傳說彙纂

欽定春秋傳說彙纂

欽定周官義疏

史記河渠書

史記魏世家

漢書溝洫志

後漢書帝紀

後漢書地理志

三國志魏書

漢孔安國傳

說文 漢許慎

晉書桓溫傳

晉書劉裕傳

爾雅注疏

晉郭璞

春秋釋例

晉杜預

惠濟河輯說

卷首

採摭書目

一

隋書河渠志

唐書河渠志

唐書食貨志

唐書劉晏傳

唐書裴耀卿傳

唐書韓愈傳

唐書董晉傳

唐書逆臣傳

通典

唐杜祐

尚書正義

唐孔穎達

元和郡縣志

唐李吉甫

後漢盧振傳

水經注

漢桑欽

後魏酈道元注

後周書

釋名

後漢劉熙

宋史河渠志

宋史帝紀

宋史張洎傳

宋史張君平傳

宋史韓令坤傳

宋史侯叔獻傳

宋史陳承昭傳

宋史馮京傳

宋史唐恪傳

宋史朱勔傳

宋史李綱傳

元豐九域志

輿地廣記 宋歐陽忞

玉海 宋王應麟

詩地理攷 宋王應麟

詩經集傳 宋朱熹

尙書集傳 宋蔡沈

東京夢華錄 宋孟元老

金史河渠志

元史河渠志

元史賈魯傳

惠濟河輯說

卷首 採摭書目

一一

明史河渠志

明史陳銳傳

明史白昂傳

明史趙璜傳

汴京遺蹟志 明李濂

皇清奏議 雍正朝

皇朝文獻通考 乾隆朝

欽定皇朝通典 乾隆朝

天下郡國利病書 顧炎武

皇朝經世文編 賀長齡

豫東宣防錄 白鍾山

心政錄 雅爾圖

行水金鑑 初編 傅澤洪

行水金鑑續編 黎時敘

水道提綱 齊召南

禹貢錐指 胡渭

尙書地理今釋 蔣廷錫

豫乘識小錄 朱雲錦

目遊四海記

大清一統志

河南通志

開封府志

鄭州志

滎陽縣志

滎澤縣志

中牟縣志

杞縣志

扶溝縣志

太康縣志

陳州府志

淮甯縣志

鹿邑縣志

沈邱縣志

亳州志

按以上書目內有採入賈魯河輯說之書待梓

惠濟河輯說

卷首 採摭書目

二

惠濟河輯說凡例

一致堂胡氏謂汴河自禹時卽有之攷禹貢北條之水祇紀經河不紀枝河其散見河渠溝洫及諸史地理志今昔情形沿革不一茲所輯自經史外奏疏志乘古說今說依類哀集以備參訂

一惠濟河本屬汴河依古以來其名未易自元季經賈魯疏濬汴沙等河由中牟抵祥符之朱仙鎮東南入淮而河遂以賈魯名迨 國朝乾隆五年因賈魯河異漲民田廬舍時被淹浸自中牟縣西十五里鋪河北岸開賈惠濟河輯說

卷首 凡例

一

魯新河以分洩之此惠濟所由昉也因於惠濟輯說外復輯賈魯河說庶幾源流悉備

一惠濟賈魯兩河輯說若自滎陽以至淮泗僅敘原委經由處所似屬空文無補攷沿河一帶各州縣志乘深溝廣渠地方水利攸關前此賢大夫因地制宜開鑿疏通興利除害惠及斯民皆實政也茲謹擇其旁支別派與汴蔡相表裏者以紀其實舉一反三在有心人舉而行之耳

一一水而互見者異同固昭昭矣抑或援引家不察其地

與水之合否恐以訛傳訛致多牽混如邨風爰有寒泉

在浚之下浚本在濮陽

見通典水經注及王應麟詩地理攷諸書

而舊志引

以爲浚儀之證凡此之類殊誤後人茲書採集實事求是必衡其水與地名實相符合方敢輯入姑舉一以例

其餘

一祥符縣志修於乾隆四年惠濟河名昉於乾隆六年書

闕有間久擬輯補未遑也戊辰秋滎澤河決賈魯河間

段淤塞省城內外霖雨積潦浸及官署民田義州李子和

先生親履查勘力籌疏濬惠濟河由渦達淮宣洩積

惠濟河輯說

卷首凡例

二

水兼利通商以惠民生而除水患視前撫雅翰齋中丞

偉績豐功後先輝映尙矣爰輯說以紀其盛非敢謂述

古傳今遽期間世將以備異日修志者採擇俾無遺憾

云爾

一輯說六卷創始於十一月脫稿於十二月不揣謏陋

恩告歲罍漏遺誤知所未免幸博雅君子訂而正之感

甚禱甚

余篋笥所藏圖書甚甚是書所輯強半得諸惠假如秦

縵卿觀察堯曦龔祝堂觀察毓華張石洲太守瀛春曉

樓太守慶任樂如太守愷常秋厓廣文茂徠鄭通甫太
史啟掄王秋舫主政家勤諸先生慨假祕本得以鈔錄
成帙其評定商推如徐春臞大令光第張蔭庭大令家
槐周子衡大令淦鄭允臣廣文孝元宋術之廣文繼郊
諸君子訂訛補闕獲益良多其繕寫校勘如王濟卿孝
廉汝舟張斐然茂才文錦魏衡臣茂才象森邵子信茂
才閻午澹臺硯香茂才樹芳李星如茂才弁其繪圖貼
說則方外交省機上人真詮也諸君子始終其事均與
有力焉同治八年歲次己巳正月祥符王儒行謹識

惠濟河輯說

卷首 凡例

三

惠濟河輯說目錄

卷首

序文

河圖碑記

圖說

採摭書目

凡例

卷一

羣經輯說

惠濟河輯說

目錄

卷二

諸史輯說

卷三

奏疏輯說

卷四

志乘輯說

惠濟河輯說卷一

祥符王儒行葦樵纂

同人魏鴻賓平軒常家駮履五參訂

義州李子和先生鶴年

鑒定

門人邵閻午子信李弁星如編次

武陟毛子遇先生鴻順

男書屏辰侯書雲見五仝校

姪書田雨公

羣經輯說

書導沅水東流為濟入于河溢為滎

蔡註詳矣攷漢劉熙釋名濟濟也源出河北濟河南

也晉地道志濟自大伾山漢書溝洫志注張晏曰成臯縣山是也非黎陽之大伾也

惠濟河輯說

卷一

入河與河水門南溢為滎按西漢末濟水猶南溢為滎至王莽時始竭嗣後時通時

塞水經注陰溝水出河南陽武縣南狼湯渠陰溝即古

河陰地又汜水出陰溝於浚儀縣北自王賁引溝水灌

大梁水出縣南而不經其北因名梁溝其水一也胡渭

禹貢錐指滎陽引河圖說河渠書言禹功之後有於滎

陽下引河東南為鴻溝以通宋鄭陳蔡曹衛與濟汝淮

泗會者此即河陰縣西之石門渠也水經謂之濟水京

相璠名曰出河之濟酈道元以為狼湯渠渠分濟水其

支派汜睢由泗入淮沙水一入淮一合泗潁入淮過水

亦入淮故曰與濟汝淮泗會河水爲鴻溝所分力微不足
足以刷沙下流易致壅塞此宿胥改道之由也

書滎波既豬

蔡註滎波二水名謂滎因濟水潛行絕河南溢爲滎波
水自洛出爲波地理今釋滎波澤名在今開封府滎澤
縣南三里古城村孔安國傳滎澤波水已成遏豬孔穎
達曰豬停水處也往前漫溢今得豬水爲澤也正義曰
鄭云今塞爲平地滎陽民猶謂其處爲滎澤蓋濟水伏
流地中絕河而南溢爲巨澤禹貢雖指案馬鄭王本波

惠濟河輯說

卷一

二

並作播謂此澤名滎播伏生今文尙書亦然孔安國解
作一水非二水以爲二水自顏師古始宋林之奇本之
別滎波爲二水蔡氏因之然案圖究義以爲二水終無
是處傅氏寅曰導水之法大抵自下而上此先言伊洛
灋澗之入河而後次及滎澤何也洛濟入河處不甚相
遠平時洛併諸水之力附河而下濟猶有所不堪况橫
流浩蕩之時滎澤所承其有不爲害之慘乎禹灼知利
病故經始河患於瀕濟之功必先疏四水以循故道而
滎波固可豬矣宋張九成曰其言滎波則是滎水至堯

時失其本性遂駕爲波浪爲民病也夫滎水本不波浪其所以然者以眾水失道並流入滎故有波浪之患矣今伊洛漚澗既入于河眾水皆復故道故滎澤之水亦復其本性豬蓄爲澤不復爲民患也既入既豬底平底定之語皆禹導之而使然也

書灑沮會同

蔡註許慎曰汜水受陳留浚儀陰溝至蒙爲灑水東入于泗水經汜水出陰溝東至蒙爲狙獯水經注汜水至梁郡爲灑水又獲水出汜水於梁郡蒙城北無狙獯字當是獲灑二字之訛則灑水即汜水矣灑之

惠濟河輯說

下流入于睢水沮水地志睢水出沛國芒縣皇輿表漢沛國芒縣今歸德府永城縣睢水其沮水歟晁氏曰爾雅自河出爲灑濟出爲澗求之於韻沮有楚音二水河濟之別也會者水之合也同者合而一也

書浮于淮泗達于河

蔡註許慎曰汜水受陳留浚儀陰溝按古浚儀在今陽武縣南高陽鄉至蒙爲灑水東入于泗則淮泗之可以達于河者以灑至于泗也張九成曰淮泗達河必道於汴自水入水曰達以禹貢觀之即今泗水道自淮自泗二水入汴自汴

入河乃故道至於治徐州水患既畢入都奏陳則禹拳拳不自專之意每於九州畢貢見之矣其賢矣哉禹貢雖指金氏曰達于河古文尙書作達于荷荷卽濟水本與河相通也與蔡註未合附錄存參

周禮其川滎雒

夏官職方氏河南曰豫州其山鎮曰華山其澤藪曰圃田其川滎雒註圃田在中牟滎沈水也源出東垣入于河溢爲滎滎澤在滎陽東南與濟隧合上承河水濟隄猶存焉酈道元云昔大禹塞其淫水爲滎澤開蕩蕩渠

惠濟河輯說

卷一

四

以通淮泗其後濟隧絕焉至周復導爲滎川引河東南爲鴻溝與濟汝淮泗會鴻溝首受河處一名蕩蕩渠一名汴渠卽今之河陰縣西二十里之石門渠也

詩朱子國風傳虢檜之地在禹貢豫州外方之北滎波之南

鄭傳虢檜集傳鄭武公定平王於東都又得虢檜之地在禹貢豫州外方之北滎波之南居溱洧之間而施舊號於新邑是爲新鄭卽今之鄭州是也卒併得鄆蔽補丹依疇歷華卽史伯所云十邑之地左洛右濟前華

後河食溱洧焉初桓公時王室多故謀及史伯寄帑於
虢檜之間以陰謀鬱成大國然新鄭卽成皐滎陽虎牢
之分巖險聞天下故春秋戰爭之多者無如鄭而滎波
尤鄭之設險以禦侮者也

詩東有甫草

朱傳甫草甫田也後爲鄭地今開封府中牟縣西圃田
澤是也水經注汴渠東逕滎澤北東南分濟歷中牟圃
田北與陽武分水澤多麻黃草詩所謂東有甫草是也
鄭皇武子曰鄭之有原圃猶秦之有具囿澤在中牟西

惠濟河輯說

卷一

五

西限長城東極官渡北佩渠水東西四十里許南北二
十里許中有沙岡上下二十四浦澤流逕通淵潭相接
各有名焉水盛則北注渠溢則南流故竹書紀年梁惠
成王十年入河水于圃田又爲大溝而引圃水世謂之
十字溝而屬於渠或謂是瀆爲梁惠王所開爲鄭隰之
淵藪矣爾雅十藪曰鄭有圃田是也

詩清人在彭

朱傳清邑名杜預春秋釋地云中牟縣西有清陽亭彭
河上地名毛氏萇曰彭衛之河上鄭之郊也水經注汴

渠又東清池水注之水出清陽亭南東流卽故清人城也詩所謂清人在彭彭高克邑也而清水入汜而東矣詩搏獸于敖

朱傳敖近滎陽地名也呂氏祖謙曰敖山名晉師救鄭在敖鄙之間晉士季設七覆於敖前是以不敗則敖山之下平曠可以屯兵翳薈可以設伏詩所謂搏獸于敖者也水經注秦置倉於山故亦曰敖倉城郡國志滎陽縣有廣武山城城在山上有絕澗斷山謂之廣武澗高祖與項羽對語責羽十罪羽射高祖中胸處山下有水

惠濟河輯說

卷一

六

北流入濟世謂之柳泉也濟水又東合滎瀆瀆首受河漢靈帝建甯四年於敖城北壘石爲門以遏渠口故世爲石門口門廣十餘丈而去河三里地形殊卑蓋滎播所導自此始也

春秋傳隱公元年請京使居之謂之京城大叔

杜註京鄭邑今滎陽京縣東南二十里有京縣故城水經注索水出京縣西南嵩渚山與車關水同源分流卽古旃然水也其水亂流北逕小索亭世語以爲本索氏兄弟居此故號小索也又號索水又北屈東經大索城

南鄭子皮勞叔向於索氏暨漢高與項羽戰于京索間
卽此地也索水又經河陽滎陽南境會南來之京河又
東經鄭州北會南來之東京河又東南會南來之磨河
卽古溱洧諸水也

春秋傳襄公十一年諸侯圍鄭觀兵于南門西濟于濟隧
杜註濟隧水名水經注濟隧上承河水於卷縣北河南
經卷縣故城東又南經衡雍城西京相璠曰滎澤在滎
陽東南與濟隧合斯蓋滎播河濟往復逕通矣出河之
濟卽陰溝之上源也濟隧絕焉故世謂其故道爲十字
溝自于岑造入激隄于河陰水脈徑斷故瀆難尋又南
會于滎澤然水旣徑斷民猶謂其處爲滎澤楚潘黨逐
晉魏錡於滎澤卽此地也

春秋傳宣公十二年晉師救鄭楚次于管以待之

杜注滎陽東北有管城隋置縣今在鄭州北二里水經

注汴渠承滎澤水逕管城西故管國也周武王以封管

叔俗謂之管水又東北分爲二水一東北流注黃雀溝

謂之黃淵淵周百步一東越長城東北流水積爲淵南

北二里許東西百步謂之百尺溝水北入圃田澤又東

荆楚管服至民等
蓋際而地之
其能不處無若文
雖賢及部人不獲接
轉官也

北流左注汴渠為不家口東流又屈而東南注白溝也

春秋傳文公十三年鄭伯會公于棐

杜注棐即棐林鄭地路史開封苑陵有棐林林鄉苑陵

故城今新鄭縣二十五里林鄉城是其地也又宣公元

年宋陳衛曹會晉於棐林伐鄭傳會于棐林以伐鄭也

楚薦賈救鄭遇于北林杜注北林鄭地滎陽中牟縣西

南有林亭白溝水經其側以注華水又東經棐城北即

北林亭也服虔曰北林鄭南地京相璠曰今滎陽苑陵

縣有故林鄉在新鄭北故曰北林也酈道元按林鄉故

惠濟河輶說

卷一

城在新鄭東如北七十許里苑陵故城在東南五十許

里不得在新鄭北也水由北林經虎澗龍淵東會中牟

清口水白溝水自東北來會

春秋傳僖公三十年晉軍函陵秦軍汜南

寰宇記函陵在新鄭縣北十三里山形如函故名汜南

杜注此東汜也在滎陽中牟縣南山海經浮戲之山汜

水出焉北流經虎牢城東而北注于河此南汜也在河

南成臯縣高帝紀漢數挑成臯戰楚軍不出使人辱之

司馬咎怒渡兵汜水半渡漢擊之大破楚軍司馬咎等

皆自芻汜水上漢王引兵渡河復成臯軍廣武就敖倉
粟五年二月漢王卽皇帝之位于汜水之陽水經注陰
溝枝津東派爲汜水東經中牟圃田澤與淵水合又東
經大梁亭南而注于汴渠又經開封縣睢渙二水出焉
春秋傳隱公元年制巖邑也

杜注制鄭邑在河南成臯縣一名虎牢今汜水縣西有
虎牢城卽魏國滎陽縣此東魏國魏所封後并于鄭水
經注滎澤水繞苑陵縣城西北縣有二城此則西城也
二城以東悉多陂澤卽古制澤也京相璠曰鄭地杜預

惠濟河輯說

卷一

九

曰澤在滎陽苑陵縣東卽春秋之制田也水盛則湧注
水耗則輟流又東經龍淵泉白雁陂委折過向岡而東
流爲染澤陂又東注于蔡澤陂此蔡河之權輿也蔡水
亦與汴時分時合何常之有

春秋傳宣公十二年晉楚之戰楚軍于邲

杜注邲鄭地鄭州東六里有邲城一名管城水經注邲
音坂後人避反字又音卞曾氏鞏曰石門渠東合濟水
與河渠東注至敖山北而兼坂水東經滎陽北曹操與
徐榮戰不利曹洪授馬卽其地也邲水又東礪石溪水

注之水出滎陽城西南之李澤澤中有水卽古馮池也
地理志滎陽縣馮池在西南東北流敖山南傳所謂設
伏于敖前是也水又逕虢亭北而東會京索諸水卽古
旃然水也返水承之

春秋傳成公十六年會于沙隨

杜注沙隨宋地梁國甯陵縣北有沙隨亭今沙隨城在
甯陵縣西六里水經注汴水東經甯陵縣沙陽亭北卽
故沙隨國又東經黃蒿隄逕逕注周隄側晉義熙中劉
公遣周超之自彭城西緣汴故溝斬樹穿渠七百餘里

惠濟河輯說

卷一

十

以開水路停泊於此故周隄流稱矣汴水又東經葛城
古葛伯之國也葛於六國屬魏魏安釐王以封公子無
忌號信陵君在甯陵縣西十里而返水由此至沙汭東
注于淮矣

泗水出於水

汴水出於水

泗水出於水

泗水出於水

開封府學增生邵聞午謹校

惠濟河輯說卷二

祥符王儒行莘樵纂

義州李子和先生鶴年

鑒定

同人劉琴泉曾駱
鄭廷襄思贊
門人董潤蒼
許西珍守鑑
婿書屏辰侯
校字

武陟毛子遇先生鴻順

男書雲見五同校
書田雨公

諸史輯說

史記魏世家魏侯瑩自少梁徙都大梁初周平王封少子康于夏陽是謂梁伯好土功大其城號曰新里民疲而潰秦遂取焉後惠王自安邑遷都之秦使王賁攻魏決滎澤水灌大梁城水出城南而不經其北是曰梁溝先是為大溝于北郭以行圃田之水陳留風俗傳曰縣北有浚水像而儀之故曰浚儀

惠濟河輯說

卷二

史記河渠書滎陽下引河東南為鴻溝以通宋鄭陳蔡曹衛與汝濟淮泗會于楚西方則通渠漢水雲夢之野東方則通鴻溝江淮之間於吳則通渠三江五湖於齊則通菑濟之間於蜀蜀守冰鑿離碓辟沫水之害穿二江成都之中此渠皆可行舟有餘則用溉浸百姓饗其利
漢書地理志河南郡滎陽卞水馮池皆在西南有狼湯渠

首受沛東南至陳入潁陳留郡陳留有魯渠首受狼湯渠東至陽夏入渦渠浚儀故大梁睢水首受狼湯水東至取慮入泗淮陽國扶溝渦水首受狼湯渠東至向入淮

漢明帝紀永平十二年夏四月遣將作謁者王吳修汴渠自滎陽至于千乘海口千餘里十三年夏四月汴渠成辛巳行幸滎陽巡行河渠乙酉詔曰自汴渠決敗六十餘歲加頃年以來雨水不時汴流東侵日月益甚水門故處皆在河中潏瀆廣溢莫測涯岸蕩蕩極望不知綱紀今豫克之人多被水患乃云縣官不先人急好興他役又或以爲

惠濟河輯說

卷二

二

河流入汴幽冀蒙利故曰左隄強則右隄傷左右俱強則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今旣築隄理渠絕水立門河汴分流復禹舊迹陶甑之北漸就壤墳故薦嘉玉潔牲以禮河神東過洛汭歎禹之績合五土之宜反其正色濱渠下田賦予貧人無令豪右得固其利庶幾世宗瓠子之作因遂度河登大行進幸上黨

漢王景傳沈深多技藝辟司空伏恭府時有薦景能理水

者顯宗詔與將作謁者王吳共修作浚儀渠吳用景鳩流
法水乃不復爲害初平帝時河汴決壞不及修建武十年
陽武令張汜上言改修隄防光武嘗發卒營功浚儀令樂
俊上言新被兵革未可修理遂止後汴渠東侵日月彌廣
而水門故處皆在河中竟豫百姓怨嘆以爲縣官常興他
役不先民急永平十二年議修汴渠乃引見景問以理水
形便景陳其利害應對捷急帝善之又以嘗修浚儀功業
有成乃賜景山海經河渠書禹貢圖及錢帛衣物夏遂發
卒數十萬遣景與王吳修渠築隄自滎陽水東至千乘海

惠濟河輯說

卷二

三

口千餘里景乃商度地勢鑿山阜破砥磧直截溝澗防遏
衝要疏決壅積十里立一水門令更相洞注無復潰漏之
患景雖簡約役費然猶以百億計明年夏渠成帝親自巡
行詔濱河郡國置河隄員吏如西京舊制景由是知名王
吳及諸從事掾吏皆增秩一等景爲侍御史十五年從駕
東巡狩至無鹽帝嘉其功績拜河隄謁者賜車馬繒錢
魏黃初中大水河濟泛溢鄧艾議開石門以通之周齊之
間更其名曰卞口堰

晉書桓温使豫州刺史袁苜攻克譙梁開石門以通水運

真克譙梁而不能開石門水還路塞

晉義熙十二年劉裕伐秦八月丁巳發建康沈林子劉遵考將水軍出石門自卞入河王仲德督前鋒諸軍開鉅野入河九月林子自卞入河仲德參軍入河入滑臺十三年十二月庚子裕滅秦發長安自洛入河開卞渠而歸後涇隋大業元年二月辛亥開通濟渠自洛陽西苑引穀洛水達于河自板渚引河入汴口又從大梁東引汴水入于泗達于淮自江都宮入于海亦謂之御河築御道植以柳隄岸陰翳相望千里名曰隋隄元豐九域志汴水古通濟渠

惠濟河輯說

卷二

四

也

隋開皇七年使梁濟增築漢古堰遏河入汴自是又更名曰梁公堰

唐書食貨志開元十八年宣州刺史裴耀卿集京師元宗訪以漕事耀卿條上便宜曰江南戶口多而無征防之役然送租庸調物以歲二月至揚州入斗門四月己後始渡淮入汴常苦水淺六七月乃至河口而河水方漲須八九月水落始得上河入洛而漕路多梗船檣阻隘江南之人不習河事轉雇河師水手重爲勞費得行日少阻滯日多

今漢隋漕運路瀕河倉廩遺跡可尋可於河口置武牢倉
鞏縣置洛口倉使江南之人不入黃河黃河之舟不入洛
口而河陽柏崖太原永豐渭南諸倉節級轉運水通則舟
行水淺則寓於倉以待則舟無停留而物無耗失矣元宗
然之乃於河陰置河陰倉河西置柏崖倉自江淮者皆輸
河陰倉自河陰西至太原等倉謂之北運歲漕七百萬石
以實關中元宗大悅拜耀卿黃門侍郎中書門下平章
事兼江淮都轉運使

唐肅宗朝劉晏度支兼侍御史領江淮租庸事分置諸道
惠濟河輯說

卷二

五

租庸使簡臺士掌之出納委士人吏惟行文書而已廣德
二年三月己酉晏爲河南江淮轉運使議開汴水庚戌命
與諸道節度使均節賦役聽從便宜行畢以聞至代宗擢
晏領東都河南江淮轉運使時大兵後京師米斗千錢旬
農投穗以輸晏自按行浮淮泗達汴入河右循底柱硤石
觀三門遺跡至河陰鞏洛見宇文愷梁公堰斷河爲通濟
渠視李傑新堤盡得利病移書元載陳利害各四盡以漕
事委晏故得盡其才歲輸始至天子大悅遣衛士以鼓吹
迎東渭橋馳使勞之曰卿朕鄼侯也凡歲致四十萬斛關

中雖水旱物不翔貴晏以常平法豐則貴取飢則賤與率諸州米常儲三百萬斛初州縣取富人督漕輓晏始以官船漕陳諫以爲管蕭之亞贊言操天下贏貲佐軍歛不及民而用度足唐中債而振晏有勞焉暨肅宗末年淮運阻晏使江淮粟帛繇襄漢越商於以輸京師代宗廣德二年以晏顓領轉運凡漕事皆決焉晏卽鹽利顧役分吏督之

自江淮至渭橋率十萬斛役七千緡

江汴河渭各隨其宜故時由潤州陸運

至揚州斗米費錢十九晏命囊米而載以舟減錢十五由揚州距河陰斗米費錢百二十晏爲歇艫支江船二千艘

惠濟河輯說

卷二

六

每船受千斛十船爲綱每綱三百人篙工五十人自揚遣將部送至河陰上三門號上門填闕船米斗減錢九十調巴蜀襄漢麻泉竹篠爲綯挽舟以朽索腐材代薪物無棄者未十年人人習河險江船不入汴汴船不入河河船不入渭江南之運積揚州汴河之運積河陰河船之運積渭口渭船之運入太倉歲轉粟百一十萬石無升斗溺者又分官吏主丹陽湖禁引漑河漕不涸大厯八年以關內豐穰減漕十萬石度支和糴以優農晏自天寶末掌出納監歲運知左右藏主財穀三十餘年及揚炎爲相罷晏轉運

使復歸度支凡江淮漕米以庫部郎中崔河圖主之

晏子揚子

院置十船塲以官主之

先是晏遺元載書運之利病各有四得江湖

米二三十萬石則徭役減一利也米運流通則飢人附二利也雲帆桂檝輸美帝鄉可以震耀夷夏三利也舟車既通百貨雜集四利也所可疑者武牢成臯人烟蕭條一病也千里泗上罔水行舟二病也奪攘姦宄夾河爲藪三病也淮陰蒲坂屯戍相望船到便留非單車使者簡書所能制四病也晏見一水不通願荷鍤先往見一粒不運願負

米而趨自此歲運米數十萬石

晏之任事起廣德二年迄建中凡三十餘年官雖屢

惠濟河輯說

卷二

七

遷職未嘗易

唐書食貨志建中二年田悅李惟岳李納梁崇義拒命舉天下兵討之諸軍仰給京師而李納田悅兵守渦口梁崇義搃襄鄧南北漕引皆絕京師大恐江淮水陸轉運使杜佑以秦漢運路出浚儀十里入琵琶溝絕蔡河至陳州而合自隋鑿汴河官漕不通若導流培岸功用甚寡疏鷄鳴岡首尾可以通舟陸行纔四十里則江湖黔中嶺南蜀漢之粟可方舟而下由白沙趨東關歷潁蔡涉汴抵東都無濁河沂淮之阻減故道二千餘里議將行會李納將李洧

以徐州歸命淮路通而止

唐書建中三年詔滑亳節度使李勉兼領汴州會李納叛命李希烈以檢校司空兼淄青節度使討之希烈擁兵三萬次許州不進遣李荑約納爲唇齒陰計取汴州卽檄李勉假道勉度所宜出儲陳留治梁除道以須希烈計得因嫚罵勉勉嚴備以守李納遣游兵導希烈絕汴餉道而納與田悅東守渦口時江淮輸物留梗勉乃治蔡渠引東南餉

以上出逆臣傳

先是李正己反屯兵甬橋

橋在今宿州

江淮漕船集

千餘不敢踰渦口張萬福刺濠州因馳至渦口駐馬于岸

惠濟河輯說

卷二

八

悉發漕船相銜而進賊兵熟視不敢動

唐貞元十四年正月戊子董晉作汴州水門三月辛巳朔成

唐同光二年二月辛巳詔蔡州刺史朱勅浚索水通漕運

水經注車關水出於嵩濟之山發于層阜之上二源兩枝分流瀉注世謂之石泉水東流爲索水西注爲車關水索

水在成阜北

通鑑

漢乾祐三年六月黃汴決補闕盧振上言臣伏見汴河兩岸隄堰不牢每年潰決正當農時勞民役眾以臣愚見沿汴水訪河故道陂澤等處置立斗門水漲溢時以分水勢

卽澇成無漂沒之患旱則獲澆溉之饒庶幾編氓差免勞

役從之

五代史補

周世宗顯德二年乙未汴水自唐末潰決自埇橋東南悉爲污澤上謀擊唐先命節度使武行德發民夫因故堤疏導之東至泗土議者皆以爲難成上曰數年後必獲其利三年唐兵屯於淮帝命宋太祖擊之敗唐兵於渦口獲戰艦五十餘艘四月丁亥帝自濠如渦口銳意進取五月壬辰朔以渦口爲鎮淮

顯德中遣周景大濬汴口景知汴口旣濬舟楫無壅將有

惠濟河輯說

卷二

九

淮浙巨商百貨臨汴無委泊之地諷世宗乞令許京城民環汴栽榆柳起台榭以爲都會之壯上許之景踞汴流中起巨樓十二間方運斤上輦輅過問之知景所造頗喜賜酒犒其工未悟其規利也景後邀巨貨于樓山積波委歲入數計其罔上贖貨如此

顯德二年疏汴水四年四月乙酉詔疏汴水北入五丈河齊魯舟楫皆送大梁又東北達于濟五年三月汴渠成

顯德六年春世宗命王朴如河陰按行河隄立斗門於汴口王午命侍衛都指揮使韓通宣徽南院使吳延祚

當作延祚

發徐宿宋單等州丁夫數萬浚汴水甲申命馬軍都指揮

使韓令坤自大梁城東導汴水入於蔡水魏收地形志曰汴水在大梁城

東分爲蔡渠九域志曰浚儀縣之琵琶溝卽蔡河也三朝

會要曰惠民河與蔡河一水卽閔河也建隆元年始命陳

承昭督丁夫導閔河自新鄭與蔡水合貫京師南歷陳潁

達壽春以通淮右舟楫相繼商賈畢至都下利之於是

以通陳潁之漕命步軍都

指揮使袁彥浚五丈渠東過曹濮梁山泊以通青鄆之漕

發畿內及滑亳丁夫數千以供其役通鑑

周顯德間渡汴口之渠導河水達於淮水以通江淮之漕

又自大梁城東導汴水入於蔡水以通陳潁之漕又於都

城之東浚汴水爲五丈渠東過曹濟梁山灤以通齊魯之

漕此皆宋之漕運所由始也

顯德六年春詔通河北按行河隄因發徐宿宋單等州民

浚汴渠數百里宋史韓通傳韓令坤武安人周世宗入揚州命

權知軍府六年春命以汴亳民導汴水入於蔡宋史韓令坤傳

漕運宋都大梁有四河以通漕運曰汴河曰黃河曰惠民

河曰廣濟河而汴河所漕爲多建隆以來首浚三河令自

今諸州歲受稅租及筦榷貨利上供物帛悉官給舟車輸

通淮至唐改名廣濟宋都大梁以孟州河陰縣南爲汴首受黃河之口屬於淮泗每歲自春及冬常於河口均調水勢止深六尺以通行重載爲準歲漕江淮湖浙米數百萬及至東南之產百物眾寶不可勝計又下西山之薪炭以輸京師之粟以振河北之急內外仰給焉故於諸水莫此爲重其淺深有度置官以司之都水監總察之然大河向背不常故河口歲易易則度地形相水勢爲口以逆之遇春首輒調數州之民勞費不貲役者多溺死吏又並緣侵漁而京師常有汎溢之虞太祖建隆二年春導索水自旃

惠濟河輯說

卷二

七

然與須水合入於汴三年十月詔緣汴河州縣長吏常於春首課民夾岸植榆柳以固隄防

宋史河渠志

先是四河所運未有定制太平興國六年汴河歲運江淮米三百萬石菽一百萬石黃河粟五十萬石菽三十萬石惠民河粟四十萬石菽二十萬石廣濟河粟十二萬石凡五百五十萬石非水旱蠲放民租未嘗不及其數至道初汴河運米五百八十萬石大中祥符初至七百萬石江南淮南兩浙荆湖路租糴於真揚楚泗州置倉受納分調舟船汴流入汴以達京師置發運使領之諸州泉帛雜物軍

器上供亦如之 宋史河渠志

宋太宗淳化二年六月乙酉以汴水決浚儀縣帝親督衛士塞之 宋史太

宗本紀

是年六月汴水決浚儀縣帝乘步輦出乾

元門宰相樞密迎謁帝曰東京養甲兵數十萬居人百萬家天下轉漕仰給在此一渠水朕安得不顧車駕入泥淖中行百餘步從臣震恐殿前都指揮使戴興叩頭懇請回馭遂捧輦出泥淖中詔興督步卒數千塞之日未盱水勢遂定帝始就次太官進膳親王近臣皆泥滿沾衣知縣宋炎亡匿不敢出特赦其罪 宋史河渠志

惠濟河輯說

卷二

三

宋太宗至道元年九月帝以汴河歲運江淮米五七百萬斛以濟京師問侍臣汴水疏鑿之由令參知政事張洎講求其事以聞其言曰禹導河自積石至龍門南至華陰東至砥柱又東至于孟津東過洛汭至于大伾卽今成臯是也禹又於滎澤下分大河爲陰溝引注東南以通淮泗至大梁浚儀縣西北分爲二渠一渠元經陽武縣中牟臺下爲官渡水一渠始皇疏鑿以灌魏郡謂之鴻溝荳荩渠自滎陽出五池口來注之其鴻溝出河之溝亦曰荳荩渠漢明帝時樂浪人王景謁者王吳始作浚儀渠蓋循河溝故

瀆也渠成流注浚儀故以浚儀縣爲名靈帝建甯四年於
敖城西北壘石爲門以遏渠口故世謂之石門渠外東合
濟水濟與河渠渾濤東注至敖山北渠水至此又兼郟之
水卽春秋晉楚戰於郟郟又音返卽汴字古人避反宇改
從汴字渠水又東經滎陽北旃然水自縣東流入汴水鄭
州滎陽縣西二十三里皇山上有二廣武城二城相去百
餘步汴水自兩城間小澗中東流而出而濟流自茲乃絕
唯汴渠首受旃然水謂之鴻渠

宋史河渠志

開寶中吳越旣平錢俶進犀帶于太祖卻之曰朕有帶三
惠濟河輯說

卷二

三

條與此不同俶求宣示太祖笑曰汴河一條惠民河一條
五丈河一條俶大愧服

宋史帝紀

至道元年九月丁未上問侍臣汴水疏鑿之由張洎講求
其事對曰惠民金水五丈汴水四渠派引脈分會于天邑
舳艫相接贍足京師以無匱乏惟汴水橫亙中國首承大
河漕引江湖利盡南海半天下之賦由此而進大禹疏鑿
湯帝開畊終爲國家用其天意乎汴水大禹塞滎澤下分
大河爲陰溝注之淮泗至浚儀西北復分二渠其後或曰
鴻溝始皇引之以灌魏都或曰狼湯渠自滎陽五池口來

注鴻溝或曰浚儀渠漢明帝時循河流故瀆作渠渠成流注浚儀或曰石門渠靈帝建甯四年於敖城西北累石爲門以遏渠口石門渠東合濟水與河渠東注至敖山之北而兼汴水又東至滎陽之北而旃然之水東流入汴滎陽之西有廣武二城汴水自二城小澗中東流而出濟水自此乃絕桓温將通之而不果者晉太和中也晉桓温自兖州伐燕又劉裕浚之始有湍流奔注而岸善潰塞裕更疏濬以運漕者義熙之十三年也皇甫誼發河南丁夫百萬開之起滎澤入淮千餘里更名之曰通濟渠者隋

惠濟河輯說

卷二

古

大業之初也

通典注坤元錄云自宋武北征之後汴水復皆堙塞大業元年更令開導名通濟渠西通

河洛南達江淮唐皮日休作汴河銘曰在隋則害在唐則利裴耀卿言江南租船自淮

西北沂鴻溝轉輸河陰含嘉太原等倉凡三年運米七百

萬石者唐開元之際也太宗嘗命張洎論著其興鑿漕運

之本末如此宋至道之元年也興國三年正月浚汴口九

年正月命胡公霸治汴隄四年九月名汴水門淳化二年

六月已酉汴河決上乘步輦視之命載輿督步卒數千塞

之隄立而水勢定河陰汴口每歲均節水勢濟江淮漕運

景德元年十月以許元豹爲河陰都監後常以知水事者

爲之三年六月汴水溢上乘步輦幸西水門觀水勢七月

築隄畢祭汴口祥符二年八月選知水事者減汴口水勢

圖上利害四年十月白波發運判官史瑩言尋古碑請於

汜水師古曰此水舊讀音凡今彼鄉人呼之曰祀上孤栢嶺下緣南岸山趾開

汴口以均水勢上以圖付揚守道同經度內臣閻承翰請

於下流開減水四道以防汎溢從之瑩議寢瑩所上開元十五年二月

十五日碑云貞觀中文皇帝命洛州長史李傑勸堰鑿山

隨山導水連隄以決浪厥河以延濤或言此之溝洫無異

涓涔一葦則浮巨艦則膠乃起渠口球石爲門刻木爲閘

費廣過塞皇帝疇咨仲父命范公等開鑿召水工審地勢

調五州數萬卒疏疆畫分荷鍤如雲人百其力阜八年八

鼓弗闕平塘成滄夷岸成壩植以柳杞揚以杠梁

惠濟河輯說

卷二

五

月馬元方請浚汴河中流廣五丈深五尺命韋繼昇度之

十二月甲午請自泗州夾岡浚之又於中牟滎澤各開減

水河以圖來上奏可天聖六年十月廢梁固舊斗門三于

北岸創減水斗門二汴河本禹跡也首受黃河在孟州河陰南每歲均調水勢止深六尺民蓄

浚河器備天聖初始罷春夫減役費九年正月庚申調畿內及近州丁夫五

萬浚汴渠皇祐二年八月修中牟汴隄三年九月丙子詔

河渠可歲一濬汴河嘉祐六年都水監奏汴河自泗州至

南京今歸德府道直流駛不復須治自南京以上至汴口水散

漫故多淺請自南京都門三百里修狹河木岸扼束水勢

從之凡用木榑竹索三百八十四萬二百役工百八十六萬四千爲岸三萬一千四百步治平三年成民人使之七月賞官吏有差舊制汴口啟閉有時熙甯六年十二月用范子奇議遂不閉八年六月丙午侯叔獻議因故道築隄置牖灑汴水入蔡河通漕十年名北水門曰宣澤

宋眞宗景德二年六月開封府言西京沿汴萬勝鎮先置斗門以減河水今汴河分注濁水入廣濟河堙塞不利帝曰此斗門本李繼源所造屢詢利害以爲始因京索河遇雨卽汎流入汴遂置斗門以便通洩若遽壅塞復慮決溢因

惠濟河輯說

卷二

去

令多用巨石高置斗門水雖甚大而餘波亦可減去

宋史河渠志

宋眞宗景德四年謝德權提總京城四排岸領護汴河兼督輦運前是歲役浚河夫三十萬人而主者因循隄防不固但挑沙擁岸阯或河流泛濫卽中流復填淤矣德權須以沙盡至土爲限棄沙隄外遣三班使者分地以主其役又爲大錐以試築隄之虛實或引錐可入者卽坐所轄官吏多被譴免者植樹數十萬以固岸改崇儀副使

宋史謝德權傳

眞宗祥符二年八月金水河防決有言汴河南有三十六陂古蓄水之地必有下流通諸河詔度地畫圖及修隄防

熙甯二年閏十一月十五日提舉常平侯叔獻言汴河歲漕東南六百萬斛費率數石而致一夾河沃壤千里牧地廢田二萬餘頃宜於汴河南置斗門泄餘水分爲支渠十二月二十三日命於夾河引汴水溉田六年八月十六日叔獻以都水丞上言承諾開白溝等河以白溝爲清汴儲三十六陂及京索二水爲源做真楚開平河置牖四時行舟丁亥命劉瑜一作增覆視河長八百里功大分三歲作興與汴蔡皆通轉輸宋史河渠志

真宗祥符八年六月詔自今後汴水添漲及七尺五寸卽

惠濟河輯說

卷二

七

遣禁兵三千沿河防護八月太常少卿馬元方請浚汴河中流闊五丈深五尺可省修堤之費卽詔遣使計度修浚使還上言泗州西至開封府界岸開底平水勢薄不假開浚請止自泗州夾岡用功八十六萬五千四百三十八以宿亳丁夫充計減工七百三十一萬仍請于沿河作頭踏道僻岸其淺處爲鉅牙以束水勢使其後成河道止用河清下卸卒就未放春水前令逐州長吏令佐督役自今汴河淤澱可三五年一浚又於中牟滎澤縣各置開減水河並從之宋史河渠志

宋真宗天禧年間張君平管勾汴口建言歲開汴口當擇其地則水湍駛而無留沙歲可省功役百餘萬又請沿河縣植榆柳爲令佐使臣課最及瘞汴河流屍悉從其言宋史張君平傳

元豐元年五月十七日張從惠言汴河歲閉塞修隄防勞費往有建議導洛入汴患黃河鬻廣武山功大不可爲去年七月水退河稍北宜鑿渠導洛爲萬世利六月十五日都水丞范子淵畫十利請於汜水鎮北門導洛爲清汴通漕十二月六日又言河陰西十里至洛口地形西高東下惠濟河輯說

卷二

太

可行水丙午命安燾等相視二年正月燾奏功不可成三月庚寅詔內侍宋用臣提舉導洛通汴四月甲子興役六月戊申畢工凡四十五日甲寅清汴成三年五月二十二日改提舉職爲汴河隄岸司六月乙卯刻元豐導洛記于洛口

廟宋史河渠志

宋仁宗嘉祐六年汴水淺澀常稽運漕都水奏河自應天府抵泗州直流湍駛無所阻惟應天府上至汴口或岸濶淺漫宜限以六十步闊於此則爲木岸狹河扼東水勢令深駛梢伐岸木可足也遂下詔興役而眾議以爲未便宰

相蔡京奏祖宗時已嘗狹河矣俗好沮敗事宜勿聽役卽
半岸木不足募民出雜梢岸成而言者始息舊曲灘漫流
多稽留覆溺處悉爲駛直平夷操舟往來便之

宋史河渠志

張方平自益州召爲三司使建言國家都陳留當四通五
達之道非若雍谷有山川足恃特倚重兵以立國耳恃
食恃漕運以汴爲主汴帶引淮江利盡南海天聖己前
歲調民浚之故水行地中其後淺妄者爭以裁減役費爲
功汴日以塞今仰而望焉是利尺寸而喪北山也乃畫上
十四策富弼讀其奏漏盡十刻帝稱善弼曰此國計大本
惠濟河輯說

卷二

九

非常奏也悉如其說行之遷尙書左丞

宋史張方平傳

宋神宗熙寧五年先是宣徽北院使中太一宮使張方平
嘗論汴河曰國家漕運以河渠爲主國初浚河渠三道通
京城漕運自後定立上供年額汴河斛斗六百萬石廣濟
河六十二萬石惠民河六十萬石廣濟河所運止給太康
咸平尉氏等縣軍糧而已惟汴河專運糴米兼以小麥此
乃太倉蓄積之實今仰食於官廩者不惟三軍至於京師
士庶以億萬計大半待飽於軍稍之餘故國家於漕事至
急至重然則汴河乃建國之本非可與區區溝洫水利同

言也近歲已罷廣濟河而惠民河斛斗不入太倉大眾之命惟汴河是賴今陳說利害以汴河爲議者多矣臣恐議者不已屢作改更必致汴河日失其舊國家大計殊非小事願陛下特回聖鑒深賜省察留神遠慮以固基本方平之言爲王安石發也

宋史河渠志

宋神宗熙甯六年都水監丞侯叔獻請儲三十六陂及京索二水爲源做真楚州開平河置牖則四時可行舟因廢汴渠帝曰白溝功料易耳第汴渠歲運甚廣河北陝西資焉又京畿公私所用良材皆自汴口而至何可遽廢王安

惠濟河輯說

卷二

二

石曰此役苟成亦無窮之利也當別爲漕河引黃河一支乃爲經久馮京曰若白溝成與汴蔡皆通漕爲利誠大恐汴終不可廢帝然之詔劉瑄同叔獻覆視八月都水監言白溝自濰河至於淮八百里乞分三年興修其廢汴河俟白溝畢功別相視仍請發穀熟淤田司并京東汴河所隸河清兵赴役從之

宋史河渠志

是年夏都水監丞侯叔獻乞引汴水於府界閑田安石力主之水旣數放或至絕流公私重舟不可盪有闕折者帝以人情不安嘗下都水分析并詔三司同府界提點官往

視十一月范子奇建議冬不閉汴口以外江綱運直入汴
至京廢運般安石以爲然詔汴口官吏相視卒用其說是
後高麗入貢令泝汴赴闕

宋史河渠志

八年七月提轄修京城所請引霧澤陂水至咸豐門合京
索河由京索簽入副隄河下合惠民都水監謂不若於順
天門外簽直河身及於染院後簽入護龍河至咸豐門南
復入京索河實爲長利從之

宋史河渠志

汴河舊底有石板石人以記其地里每歲興夫開導至
石板石人以爲則歲有常役民未嘗病之而水行地中

惠濟河輯說

卷二

三

京師內外有八水口泄水入汴故京師雖大雨無復水

患昔人之畫善矣

宋王鞏聞見近錄

宋史河渠志金水河本京索水導自滎陽黃堆山其源曰
祝龍泉過中牟名曰金水建隆二年春命陳承昭鑿渠引
水百餘里抵都城西架其水橫絕于汴設斗門入浚渠東
滙五丈河公私利焉

宋史河渠志廣濟河卽五丈河自都城歷曹濟及鄆其廣
五丈乾德三年三月改五丈河爲廣濟河四年名水門曰
咸通

天聖初
改善利

景德二年六月上曰斗門本李繼源造始因

京索河遇雨卽汎入汴遂置之以便通洩因令置巨石元豐五年二月十一日罷廣濟河輦運司用李察等議上供物於淮陽界入汴名曰清河輦運旋復廣濟河運

天聖中張君平以京師數罹水患請鑿近畿古溝洫以疏汴蔡諸河由右班殿直擢閣門祇候管勾汴口建言歲開汴口當擇其地則水湍駛而無留沙歲可省兵百餘萬從

張君平傳

宋哲宗紹聖四年五月乙亥都提舉汴河堤岸賈種民言元豐改汴口為洛口名汴河為清汴者凡以取水於洛也

惠濟河輯說

卷二

三

復置清水以備淺澀而助行流元祐間卻於黃河撥口分引渾水令自澗上流入洛口比之清洛難以調節乞依元豐已修狹河身丈尺深淺檢計物力以復清汴立限修濬通放洛水及依舊置洛斗門通放西河官私舟船從之帝嘗謂知樞密院事曾布曰先帝作清汴又為天源河蓋有深意元祐中幾廢近賈種民奏若盡復清汴不用濁流乃當世靈長之慶布對曰先帝以天源河為國姓福地此眾人所知何可廢也宋史河渠志

唐恪拜戶部侍郎京師暴水至汴且溢付恪治之或請決

南隄以紆宮城之患恪曰水漲隄壞此亡可若何今決而
浸之是魚鼈吾民也亟乘小舟相水源委求所以利導之
乃決金堤注之河決旬水平入對帝勞之曰宗廟社稷獲
安卿之力也恪再拜因上疏言水陰類也至犯宮闕天其
或者以陰盛之沴傲告陛下乎願垂意時事益謹天戒宣
和初遷尙書

宋史唐恪傳

宋徽宗宣和元年五月都城無故大水浸城外官寺民居
遂破汴堤汴渠將溢諸門皆城守起居郎李綱奏國家都
汴百有六十餘載未嘗少有變故今事起倉猝遐邇驚駭

惠濟河輯說

卷二

三

誠大異也臣嘗躬詣郊外竊見積水之來自都城以西漫
爲巨浸東拒汴堤停蓄深廣湍悍浚激東南而流其勢未
艾若或淹浸旬時因以風雨不可不慮夫變不虛發必有
感召之因願詔廷臣各具所見擇其可采者施行之詔都
城外積水緣有司失職隄防不修非災異也罷綱送吏部
而募人決水下流由城北注五丈河下通梁山灤乃己七
月壬子都提舉言近因野水衝蕩沒汴堤岸及河道淤淺
若止役河清功力不勝望俟農隙顧夫開修從之

宋史河渠志

宣和中朱勔營艮嶽取石靈壁嵌空秀溜蒼翠可掬綱運

未訖而汴都被兵遂棄于此千古尤物臥于荒隄漫草間可勝浩歎初煬帝鑿渠幸江都宋濬之通餉道而東南舟車赴汴京必由于此米芾所謂船頭出浪翠屏間蓋指此渠也道出靈壁循古岸而行問之卽汴隄下乃汴河也

五年六月戊寅詔折金水河透槽回水入汴自汴河北引洛水入禁中賜名天源河先是京索河水在汴南舊由汴隄上爲槽北跨汴以過水然舟至卽啟槽頗妨行舟時旣導洛通汴乃自城西超宇坊引洛水由咸豐門立隄凡三千三十步水遂入禁中而槽廢政和四年十一月朔開天

惠濟河輯說

卷二

三

源河成

宋史河渠志

宗徽宣和元年五月大雨水都城自西北牟駝岡連萬勝門外馬監居民盡沒詔都水使者決西城索河堤殺其勢城南民冢墓俱被浸水至益猛直冒安上南熏門城守凡半月已而入汴汴渠將溢於是募人決下流由城北入五丈河下通梁山灤乃平

宋史五行志

大觀中李綱論都城積水爲害疏五其第一疏內云臣嘗躬謁郊外竊見積水之來自都城以西漫爲巨浸東距汴隄停蓄深廣湍悍浚激東南而流其勢未已以宗廟社稷

之靈雉喋防守之固萬無他虞然或滄浸旬時因以風雨有不可不慮者此誠陛下寅畏天戒博詢眾謀之時而羣臣竭智効力捐軀報國之秋也其第二疏內云臣愚懇不揆輒復昧死上便宜六事一曰治其源二曰弱其勢三曰固河防四曰恤民隱五曰省煩事六曰廣儲蓄惟陛下留神幸察臣恭惟國家卜世定鼎建都大梁平原沃野彌望千里非有高山峻嶺爲之險阻而都城以西京索交流陂澤相接自西徂東地勢傾下加以雨淹不能吞納則決溢東注俯灌都城其勢然也爲今之計莫若相視陂塘疏導惠濟河輯說

卷二

三

京索增卑培薄固以隄防節以斗門則水有所泄雖經霖雨其勢不能接連城下可以爲萬世之利此則治其源之策也臣觀自昔善捍水患者必爲長隄以治其衝今以數仞之城而拒方至之水風濤之所鼓薄亦已危矣限以長堤殺其怒勢然後人力可施而城益堅今積水之來自都城之西浩如江湖東抵汴岸南阻新隄雖停蓄深廣而卒不能至城下者有堤以爲之阻也出堤而行散漫湍激至都城之南則經護龍河者無隄以爲之阻也爲今之計莫若距城數里之外因高地勢繚以長堤使雖有積水決溢

之患循堤四瀉不能薄城可以禦一時之急此則弱其勢之策也國家都汴處大河之下流其所恃以爲固埽岸堅而法制嚴也比年以來玩習苟簡護衛之卒散於抽差備禦之儲耗於轉易河鬻隄防日朘月削恬不加恤如廣武埽其距清汴纔百餘步去冬危亦屢矣其不決溢者特幸耳使夏秋之交乘霖雨湍暴之患猶可驚駭况大河之勢可不爲之深慮哉臣愚願擇深知河事者相地形疏清汴使與大河相遠仍詔有司遵守法制存留兵卒儲積財用敢有抽差轉易者必正典刑此則固河防之策也今茲積

水之來衝白沙蕩中牟迫都城散漫畿甸之邑淹浸屋廬漂溺民畜損傷苗稼不可計數今又決其南以注于陳蔡之郊決其北以注于相衛之境潰汴渠下流于陳留則數千里之內悉被其患矣陛下惻怛憂勞降詔拯濟德意甚厚臣猶竊慮州縣監司未能急意奉行也願詔諸路災傷地分今年秋租並予蠲免水過之後安集民居借貸賑濟務令復業無使失所以副陛下之意此則恤民隱之策也臣竊維去歲江淮泛溢東南之民悉皆流移賴陛下聖慈以六路上供米斛廣加賑濟民得無死德至渥也然州縣

蕭條帑廩匱乏迨今未復今畿甸傍近又有積水之患矣
何以堪之臣愚願陛下斷自淵衷凡營繕工役花石綱運
有可省者悉令減罷數年之間民力漸復國用稍足然後
惟陛下所命且裕民豐財莫此爲大臣所謂罷不急之費
者此也臣又惟古者九年耕必有三年之蓄二十七年必
有九年之蓄然後無旱乾水溢之患教化行習俗美而頌
聲興是爲太平治之至也祖宗以來舊有封樁米斛以千
萬計所以爲兵民之備宗社之本也比年以來工役浸多
仰食者眾歲以侵耗遂至殫竭今國所仰者獨東南六路
惠濟河輶說

卷二

三

轉輸歲額耳假使一方水旱歲額不登將胡以自給靜以
思之可爲寒心臣愚願陛下明詔有司裁其冗食幸歲豐
登朝廷多給糴本委疆幹官吏廣行收糴別項上供以充
封樁之數歲亦如祖宗舊額而後止此朝廷之所優爲何
不留意而獨爲此懷懍也養兵足國莫是爲急臣所謂廣
國計之儲者此也凡此六者皆當今之要務願臣智識淺
陋文字荒疏言之不足以達意惟陛下裁擇

宋李綱傳

金大定二十六年設都巡河官六員分任河務雄武榮澤
原武陽武延津五埽則兼汴河事黃汴都巡河官涖之此

備河之恒制也

金史

金大定二十七年令沿河京府州縣長貳官結銜並帶河防自滎陽以下如南京府

卽開封府

之延津封邱祥符開封陳

留胙城杞縣長垣歸德府之永城甯陵虞城睢州之襄邑皆爲沿河之地則當時河流所經亦大畧可觀也然河決

陽武水勢南趨由汴入泗水以達淮水

金史

金天禧三年河決滑州歷澶濮曹鄆注梁山濼合清水古

汴渠東入于淮

滑時在河之南

金史張翰秀容人宣宗遷汴翰以戶部侍郎規措扈從事

惠濟河叢說

卷二

三

宜至真定上書言五事一謂當按蔡汴舊渠以通漕運上

施行之

金史張翰傳

金宣宗貞祐三年旣遷於汴以陳潁二州瀕水欲借民船以漕不便遂依觀州漕運司設提舉官募船戶而籍之命

戶部勾當官往來巡督

金史河渠志

元至元二十七年黃河決祥符之義唐灣汴河及堤皆爲河水所淤而汴水入蔡河蔡河源流亦塞不能東達淮泗後以其水淺不能行舟乃立閘積水以行之嗣丞相脫脫舉賈魯治之北自黃陵岡導河東入于海南自鄭州疏汴

歷中牟抵祥符西南境之朱仙鎮經呂蒙潭遞至周家口
會沙渦汝潁諸水以達于淮其河卽汴蔡之分派也因賈
魯治之俗遂以名河 明史河渠志

明正統十三年河決滎澤由鄭州中牟祥符陳留東入渦
口汴河以塞宏治二年命侍郎白昂導河由滑入淮六年
河溢黃陵岡命平江伯陳銳鑿孫家渡導河南行分爲二
派一由中牟歷汴至潁一由陳留至歸德由渦入淮正德
八年侍郎趙瓚疏河自亳州經渦河達淮崇禎十五年河
決入渦終明之世汴渦兩河時爲黃河所奪 明史河渠志

惠濟河輦說

卷二

三

大牟河... 一由中牟... 命平江伯陳銳鑿孫家渡導河南行分爲二
派一由中牟歷汴至潁一由陳留至歸德由渦入淮正德
八年侍郎趙瓚疏河自亳州經渦河達淮崇禎十五年河
決入渦終明之世汴渦兩河時爲黃河所奪 明史河渠志

祥符縣附生魏象森謹錄

